



ANTWERP
C. 1605







Digitized by the Internet Archive
in 2017 with funding from
Getty Research Institute



HONORIVS PP. III.



S. CLARA Virgo Assisias.



GREGORIVS PP. IX.



B. HORTVLANA
S. Claræ mater.

ICONES
SANCTÆ CLARÆ
B. Francisci Assisiatis
primigeniæ discipulæ
*Vitam, miracula, mortem
repræsentantes.*

SERENISSIMÆ
ISABELLÆ CLARÆ EVGENIÆ
Philippi II. Hispaniar. Regis filiæ,
Alberti Archiducis Austriæ,
Ducis Brab. &c. lectissimæ coniugi,
F. Henricus Sedulius DD.

Antuerpiæ excudit Adr. Collaert.



B. AGNES
S. Claræ soror.




INNOCENTIVS PP. IV.



B. AGNES Regis Bohemiæ filiæ,
Frederici II. Imperatoris sponsa.



ALEXANDER PP. IV.





S. CLARA VIRGO,


Assisij nobili genere nata, mundo relicto, facultatibus in pauperes dispersis, S. Francisci cuius sui hortatu Ordinem, quem ex tribus ille Secundum virginibus sacris prescripsit, primigenia ipsa auspicata, exemplo suo totum orbem terrarum illius trans, se nomine suo dignam ruerat claravit. Pro more Christiano et religioso, dentis publice criminibus, cum a S. Francisco virgo caperetur, prope ab Assisio in cenobio S. Damiani sanctissimam vitam duxit. Abbatisa erat, et sacri cætus præfecta: nihilominus obsequio, summa caritate, summa paupertate, corporis maceratione, ieiuniis, vigiliis, orationibus Dño serviens, hostem generis humani sæpe tentata superans, sororibus suis mirum in modum præluxit: ita ut multas virgines, vna etiam matrem et sororem pertraheret ad imitacionem sui. Cuius virtute et precibus Saraceni sub Frederico II. Imperatore merentes, cum exitio Assisij et monasterij sui imminerent, orante illa ad Augustissimum S. Eucharistiae Sacramentum, cui devotissima fuit, profligati sunt. Vincti annorum continuato languore, in patientia, gratiarum actione, et sanctis colloquijs perseverans, sororibus lachrymantibus ipsa leta, visitata prius a Virgine Matre, ad Christum sporsum suum dicebat. A^o. ∞. CC. LIII. etatis circiter LX. quam Alexander IV. Pont. Max. miraculis vitam et mortuam longe clarissimam, inter sanctas virgines recensuit.

Adrien. Collaert sculp. et excudit.






B. Hortulana S. CLARÆ mater, parturiens cum
ad crucem crucifixum oraret, ut se de partus
periculo salubriter expediret: vocem audiuit; ne
pauceas mulier: quia quoddam lumen salua parturies,
quod ipsum mundum clariùs illustrabit: vnde
natam filiolum CLARAM vocari iussit. Vita cap. 1.





S. CLARA extendebat libenter ad pauperes manum suam, et de abundantia domus suae supplebat inopiam plurimorum. Et ut suum sacrificium gratius esset Deo, proprio corpusculo delicata subtrahebat cibaria, clamque per internuntios mittens, resiciebat viscera pupillorum. *Vita cap. 2.*





*Sanctæ orationis studium habebat amicum:
 ubi sæpius odore bono respersa, paulatim vitam
 cœlibem acſtitabat. Et quia ſignacula non
 habebat, quorum evolutione diceret orationes:
 congerie lapillorum ſuas oratiunculas Do-
 mino adnumerabat. Viæ cap. 2.*






Hortatur eam B. Pater Franciscus ad mundi contemptum: Speciem sæculi aridam, et Spem vanam viuo sermone demonstrans. Instillat auribus eius dulcia connubia Christi; suadens virginalis pudicitiae margaritam beato illo Sponso seruandam. Vitæ cap. 3.

[Faint, illegible handwritten notes]



*Palmarum die, in turbâ dominarum, splendore
festiuo, puella præradians, cum reliquis intrat
ecclesiam: vbi ceteris ad ramos concurrentibus,
dum CLARA præ verecundiâ, suo in loco maneret
immota: Pontifex ad eam accedens, palmam
eius manibus præbuit. Vitæ cap. 4.*



THE
LIBRARY OF THE
MUSEUM OF MODERN ART
1000 MUSEUM AVENUE
NEW YORK, N. Y. 10028
TEL. 212 754 2300



Nocte sequente ad S. Francisci mandatum, optatam
 fugam cum honestâ societate aggreditur; domo, ciuitate,
 et consanguineis derelictis, ad S. Mariam de Porti:
 unculâ festinauit: vbi Fratres in aulâ Dei sacras
 excubias obseruantes, Virginem CLARAM cum
 luminaribus receperunt. *Vita cap. 4.*



*B. CLARA, cū soli Deo in paupertate famulari
decreuisset: cuncta sua bona obsequio Christi deputans,
in eleemosynas pauperum dispersit. Ita reiectis sordi-
bus Babylonis, mundo libellum repudiij mittens, ad
altare B. Virginis a B. Francisco tonsis criminibus sa-
crum vestem accepit. Vitæ cap. 4. Bull. Canoniz. §. 2.*





*Adcurrentes amici, violentiæ impetum, venena
 consiliorum, blanditias adhibent promissionum, suaden-
 tes ab huiusmodi vilitate discedere. At illa pannos
 apprehendens altaris, caput denudat attonsum,
 firmans se nullatenus à Christi seruitio
 vltèrius auellendam. Vita cap. 5.*






*Post sedecim dies à conuersione S. CLARÆ, Agnes
 eius soror, diuino afflata spiritu, properat ad Sororem,
 volens et ipsa penitus, ad exemplum Sororis,
 Domino deseruire: quam illa gaudenter amplectens,
 Gratias, inquit, ago Deo, dulcissima Soror, quòd
 me de te sollicitam exaudiuit. Vitæ cap. 16.*





Regulam B. CLARÆ viuendi, à S. Francisco præscriptam, mater S. CLARÆ Hortulana, pijs intenta operibus, ipsius natæ sequendo vestigia, deuotè suscepit: in quâ hæc optima Hortulana, quæ in horto Dominico protulit talem plantam, conclusit feliciter dies suos. Bulla Canonizat: §. 2. Vita cap. 21.



Respectfully,
Yours truly,
[Illegible Signature]

[Illegible Address Block]



Sparsâ per orbem, Virginis CLARÆ sanctitate, replet
fama virtutum eius, dominarum ædes illustrium, attingit
Ducissarum palatia, ipsarum quoq; penetrat penetralia
Reginarum. Flectitur nobilitatis apex ad eius
sectanda vestigia, à superbi sanguinis genere, sanctâ
humilitate degenerans. Vita cap. 7.






Hæc in fundamento sanctæ Humilitatis, virtu-
tum omnium fabricam studuit ab initio collocare.
Nullos famularum respuit æctus, cum plerumq;
sororum manibus aquam infunderet, comedentibus
ministraret, famularumque pedes sæpius ablueret,
et ablutis oscula imprimeret. *Vita cap. 8.*





Cum aliquando non nisi unius panis dimidiati frustum
pro refectiōe Sororum haberetur, iussit in frusta dis-
tribui, et Sororibus dispensari: quam inter manus
frangentis ille, qui vivus est panis, in tantum mul-
tiplicavit, ut quinquaginta Sororibus pro refectiōe
abundè sufficeret. *Bulle Canonizat: §. 9. Vita cap. 10.*





Pauperibus Virginitas oleum ad victum neces-
sarium aliquando defecerat: S. CLARA cum
vasculum lauans pręparasset oleo mendicando;
freta diuino auxilio, precibus in solamen pau-
perum filiarum, cęlitus oleo repletum vasculum
meruit accipere. — Vita cap. 11.




S. Franciscus cum semel B. CLARAM excepisset conuiuio, mensâ humi stratâ; diuinis B. Patris igneisque sermonibus S. CLARÂ, cunctisque socijs in mentis excessum supra se raptis, oculis ac manibus in cælum erectis, visus est accolis ad incendium restinguendum accurrentibus, conuentus ardere. Com. in cap. 3.






*Lachrymanti, profundâ nocte, B. CLARÆ astitit
angelus tenebrarum, formâ nigri pueruli insusurrans;
Ne tantum plores: quoniam cæca fies, cui cum
illico responderet; cæcus non erit, qui Deum videbit;
confusus ille veterator discessit. Vita cap. 13.*





Cum exercitus Frederici Imperatoris Secundi, cui Saraceni militabant, urbem Afsisium tentasset; in S. CLARÆ monasterium, quod S. Damiani vocabatur, irrupuerunt Saraceni. Beata Virgo prælatâ pixide, in quâ Christi corpus seruabatur, se sistens aduersus hostes, Domino prostrata, illos precibus à suo profligauit cœnobio. Vita cap. 14.





Vitalis Auerfianus, Dux exercitus Imp. Frederici, Afsifium obfidio premens, non ceffurum fe minatur, nifi ciuitate potitus. S. CLARA cum Virginitus fuis ad cineres et preces conuerfa, ita totum diffoluit exercitum, vt ille fuperbus contra vota fua difcederet, et terram illam vlterius non vexaret. Vita cap. 15.






*Docet Nouitias Christum plangere crucifixum, et quod
 verbis docet, opere commonstrat. Sæpe cùm ad hæc
 hortaretur, præueniebat verborum exitum profluvium
 lachrymarum. Inter horas diei, Sextâ, et Nonâ,
 maiori afficiebatur compunctiõne, vt cum immo-
 lato Domino, etiam ipsa immolaretur. Vitæ cap. 20.*



*Crucis Christi hostis diabolus, amicos crucis
summo opere diuexans, cum aliquando S. CLARAM,
ad horam Nonam in cellulâ Crucifixo suppli-
cantem reperisset: precum vim non ferens, tam
validè maxillam eius percussit, ut oculos san-
guine, genas liuore suffunderet. Vita cap. 20.*



Mulier quædam Pisane diocesis deuota, venit ali-
quando, vt Deo et S. CLARÆ gratias ageret,
quod eius meritis à quinque dæmonijs liberata
fuisset. fatebantur autem in sui expulsiōe dæmo-
nia, quod se, orationes S. CLARÆ incenderent,
et ex possessō vasculo deturbarent. Vit. cap. 17.





S. Franciscus de fratribus vnum, nomine Stephanum, dementia laborantem ad S. CLARAM misit, ut ab ea signo Crucis signatus, fieret compos mentis. Consignavit eum Obedientiae filia patris iussu, et in loco ubi solebat orare, fratrem parum dormire fecit; qui paulo post exsurgens sanus redijt. Vit. cap. 21. §. 1.



THE
LIBRARY OF THE
MUSEUM OF MODERN ART
1000 MUSEUM AVENUE
NEW YORK, N. Y. 10028
1968




*S. CLARA amatrix Christi Crucis et baiula,
adhibito viuificæ Crucis signo, pueros varijs morbis
affectos sanauit, sorores suas à fistulis, hydropisi,
alijsq; grauibus infirmitatibus recurauit. Surdas
fecit audire, mutas loqui. Vita cap. 21.*



*Innocentius PP. Quartus, sanctitate B. CLARÆ
permotus, illam aliquando inuisens; post diuinos sermones,
et de rebus cælestibus saluberrima colloquia; cum horâ
prandi, S. CLARA petisset à Pont. mensæ panes appositos
benedici; atq; ille per obedientiam S. CLARÆ benedicere
iussisset: in quinquaginta panibus Crucis signum
impressum fuit. Commentar. ad vitam S. Claræ in cap. 21.*



*B. Hortulana S. CLARÆ mater, in eodem cœno-
bio cum filia Deo seruiens; cū Perusinus puer
ex oculo laborans, pro curatione, S. CLARÆ præsen-
tatus, et ab eâ Crucē signatus; deniq; eius iussu ad B.
Hortulanam fuisset adductus, et illa puerū signo S. Crucis
consignasset: mox oculus sanatus fuit. filia, matris id merito
tribuit, mater in filiam miraculū regessit. Vita cap. 21. §. 3.*





F. Philippus ab Adriâ, cum sacris virginibus
 concionaretur, vnâ S. CLARÆ, verbi Dei au-
 diendi cupidissimæ: visus est speciosissimus quidam
 puer S. CLARÆ assistere, et per magnam prædica-
 tionis partem, suis eam gratulationibus oblectare,
 idque magnâ videntis suauitate. *Vitæ cap. 23.*





*Viginti circiter annis octo, morbo decumbentem
S. CLARAM Cardinalis Ostiensis inuisens, Dominici
corporis pavit Sacramento. quam item Innocentius
PP. Quartus sub mortem visitauit. Nam cuius supra
feminas illius æui probauerat vitam: non dubitauit
mortem Pontificiâ præsentia venerandam. Vite cap. 25 et 26.*





*Animam agente B. CLARA, fratribus adstantibus cum
sororibus, visa est in albis vestibus, virginum ornatarum
intrare processio, aurea sarta gestantium: et inter illas
longè gloriosior virginum Regina: quæ cum S. Claram
complexa fuisset, miræ pulchritudinis pallium ei
obtulit, virginibus ministrantibus. Vita cap. 27.*





*Iusta cum fierent exsequiarum S. CLARÆ
post eius excessum, confedente Pontifice cum
coetu Cardinalium et Prælatorum, Cardinalis
Ostiensis, à Vanitate vanitatum sumptâ dicendi ma-
teriâ, vanitatis mundanæ S. CLARAM egregiam con-
temptricem nobili prædicatione dilaudavit. Vite cap. 28.*





*Funus S. CLARÆ, magnâ pompâ, magno multorum
concurſu, cum hymnis et laudibus, à cœnobio S. Dami-
ani, elatum eſt Aſſiſum, in templo S. Georgij tumultandum,
vbi S. P. Franciſci corpus conditum fuerat. Ita, qui
viam vitæ, viuenti præmonſtrauit, etiam mortuæ
locum, quodam præſagio, præparauit. Vitæ cap. 28.*



Miracula Beatorum sanctimonie sunt argumenta. Quamobrem Dñs Deus S. CLARAM non solum in vitâ sed et post excessum illustribus miraculis nobilitavit. Energumeni ad eius sepulchrum liberati. furiosi, epiteptici, claudi, cæci, incurui, varijs morbis grauati, sanati et restituti sunt. Pueri a lupis rapti, erepti. Vite cap. 29.





*Alexander PP. Quartus, omnis sanctitatis amicus,
S. CLARAM in vitâ, omnium coronâ virtutum clarissimam,
et à morte stupendis miraculis, vt in vitâ, coruscantem,
sententiâ Procerum Ecclesiæ clarificandam in terris,
maximâ celebritate retulit inter Diuos. Vita cap. 30.*

92019
N12M

1399-808





